



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1312 Usque Ad Annum 1351

**Fleury, Claude**

**August. Vind. [u.a.], 1767**

**VD18 9011826X**

§. 3. Galliæ Rex decimas in profanos convertit usus.

---

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)



pendant, reditusque necessarios ad oleum suggerendum perpetuo. Intra spatium anni eodem in templo constituunt sex beneficia, & unumquodque viginti florenorum aureorum proventu annuo instruunt. Anniversario Præsulis occisi die uterque poenitentium viginti quatuor pauperibus victum ac vestem præbet; omnemque per vitam suam singulis diebus Veneris jejunium colito. In generali transitu ad terram sacram viginti equites armatos mittunt, ac per annum suis alunt sumptibus, si tunc vivant; sin minus, ante mortem suam hæredes suos adstringunt ad implendam hanc partem poenarum. Litteras dabat 22 Sept. 1339. Ego ibi propemodum nihil video, quod homines opulenti non possint exequi sine animi correctione.

Sæcul. XIV.  
A.C. 1339.

Eodem anno prima Octobris Papa Veronæ instituit Universitatem, sed solum pro Jure, peritia medendi, & Artibus. Excepto Jure Canonico cur ad hæc studiorum genera Papæ autoritas opus fuerit, haud intelligo.

Ughel. p. 364

§. III.

*Gallicæ Rex decimas in profanos convertit usus.*

Francia & Anglia magis, magisque flagrabant bello: & Papa per epistolas

K k 3

&



Sæcul. XIV.  
A. C. 1340.

Ragn. 1337.  
n. 7. &c.  
1338. n. 54.  
1339. n. 6.  
Id. 1340. n. 7.

& Nuncios suos frustra conabatur Reges Philippum ac Eduardum reducere in gratiam; Flandrosque ab hujus partibus, & ipsum a fœdere cum Ludovico Bavarō avertere. Tandem Eduardus eo usque processit, ut Gallorum Regis nomen & insignia sibi assumeret, nullam ducens rationem Papæ rem dissuadentis per litteras 7 Martii 1340 datas.

Hujus ad belli sumptus Rex Philippus obtinuit a Papa decimas in biennium. Sed eas haud sufficere videns decrevit eo impendere simul decimas ad bellum sacrum destinatas: de quibus ad Papam scripsit in hæc verba: Præfules, cæterique, e quibus nostrum constat consilium, nobis omnes dixere, nos salvis legibus posse has decimas insumere in regni nostri defensionem: quippe ad quam contribuere aliquid subjecti nobis tam Ecclesiastici, quam homines profani debeant; cum de communi omnium emolumento agatur. Idcirco, Pater Sanctissime, tibi supplicamus, ut nos a decimarum usu ad petendam terram sacram, & a jurejurando, quod nostro nomine hac de re datum est, absolvas, cum hoc in casu possis omnia. Si totam nobis summam condonare nolis, saltem restitutionem differ in sexennium post bellorum finem. Dabat 20 Martii.

Sup. l. 94.  
S. 26.

Papa



Papa sic respondit: Satis mirari haud possumus, fuisse Præfules, aliosque prudentes viros, qui affirmare tibi auderent, te decimas tam pio fine collectas posse salvo officio alios in usus convertere. Meminimus solennis juramenti, quod Legati tui Papæ Joanni XXII dixerunt coram Cardinalibus, in quorum numero eramus, ac præsentem magna Cleri & populi multitudine. Atque dolentes audimus querimonias de te motas ob bellum sacrum, cuius Dux esses tum declaratus. Quærela redundaret in nos ipsos, si pecunia ad liberandam terram sacram collecta nostro ex consensu infunderetur in Christianorum sanguinem profundendum. Anglorum Rex nobis aliqua in epistola jam indicavit se fidentius educturum copias in te suas, quippe in quo transmarini itineris omisi culpa hæreat. Inde conjice, quid dicerent alii, si te voti competentem faceremus. Ad dilationem quod attinet; considera, quando & quomodo decimas restitueres: ac ex præteritis futura metiens vide, quid in casu simili antecessores tui egerint; & quid eis inde contigerit. Dabat 2 Apr. 1340.

Sæcul. XIV.  
A.C. 1340.